

梅國文集

丙子春日於翁齋

寶制堂私錄原序

是錄也。鄉進士大庾劉子魯撰。錄也。厥翁梅

國先生天才夔異，詞藻逸發，倚馬揮毫，立可盈

紙。進士侍鉛槧，輒私錄之。既成，帙懼其佚也，梓

而藏於家堂。乃先生所居，故錄以私名。志家學

也。一旦造予而請曰：「先生與先大夫有金蘭之

好，遺稿一函，已鐫梨棗，敢以序請。予喜而讀之，

恍乎夜光之在握，精輝絢爛，又如瓊瑤之入座。

寶制堂錄序

林序

一

聲韻琳瑯是錄也。誠菴壇令，則後學津梁也。亟

宜流布以公海內。私云乎哉！予與先生雖地阻

雲巒，而氣投鍼芥，懷深風雨，憶自丁巳秋接膝

金陵，作平原飲勝，情豪舉雲涌泉流，自後浮沉

宦海，萍梗東西者幾二十載。戊子春，予歸自撫

臺，重會于章江之泚。先生秉燭開宴，夜闌不忍

別。今讀斯錄，重有感焉。是故讀雲巢月塢之記

知其出處之堅定也。讀三蠹四宅之文，知其存

養之精密也讀梅花太極之序知其體道之宏
深也讀清溪橋記知其經濟之博施也若夫忠
孝大節則棠陵方子序之詳矣予奚容贅篇中
祭先太宰泉山公文不肖孤蓋不忍讀焉隕涕
書此不知所云先生字介夫別號梅國以明經
發解江右登進士上第敷歷中外有聲今爲都
御史保釐東魯位日以顯勲業日以隆著作日
益以富進士其慎錄之王子其續梓焉予亦當

寶荆堂錄序

林序

二

泚筆以俟

嘉靖庚寅清明日

賜進士出身

嘉議大夫南京兵部右侍郎前都察院右副都

御史奉

勅巡撫保定等處兼提督紫荆等關閩小泉林

庭樞序

寶制堂私錄原序

夫文何為者也以明道也夫道何為者也以經德也其德厚者其道廣其道廣者其文行是故靡辭不足以闡幽治辭不足以適治游辭不足以貢俗艱辭不足以辯理故叔孫豹謂臧文仲之言立而孔子謂子產之辭不可已也今觀梅國劉公介父之作其殆似之乎昔者予之在告也梅國提學自蜀來褒衣雅度私以為真士子之師也及予改官南都又數聞其孝以終母庶以睦鄉恭以下士嚴以繩貪有古明公卿之風故思見其著作常棘棘焉乃今固有斯編乎夫梅國且將肅百僚貞百度股肱王室使 聖主之德流行于四海雖周之召誥立政商之說命皆可企而作也則其文豈啻於此乎則其文豈啻於此乎其文體之美詳在司馬林公序而析類次題則鳳陽守曹君仲禮之所校定

寶制堂錄序

呂序

一

嘉靖九年冬十二月朔高陵呂柟識

寶制堂錄序

呂序

二



嘉靖九年冬十二月朔高陵呂柟識

寶制堂私錄原序

中憲大夫福建提刑按察司副使前進士開化方豪撰

予嘗度彭蠡越南浦沂金川玉峽以達九牛而止于橫浦習見章江之變或潏而為潭或激而為灘或迴而為瀾或湧而為濤或分而為澗其態不常令人目冕神飛以為天下之水自黃河長江之外無如此江矣比考其源則出于大庾之聶都山猶河之有崑崙江漢之有岷嶓也夫

寶制堂錄序

方序

一

善觀水者比考其源善觀文者獨不考其本乎近在閩中有以寶制堂私錄投者予閱之則吾友劉介夫氏所著而其子魯所錄也簿書奔走間就榻如蔗秉燭流覽愈讀愈快惟恨其盡耳其變態之奇猶夫章江也明日以語諸人人曰夫劉子固大庾產也居章江之上流適當其勝故其文宜若是其奇也予謂之曰子以劉子之文有得於江山之助已也非善觀文者也夫劉

子之堂也以寶制名示 君恩之不可忘也
君恩之不可忘吾之所以為報者何如也故隨
在而致其力力致而名隨在以立矣夫劉子將
不為忠臣矣乎夫劉子有如是之文誰弗錄之
而魯也私錄焉急于傳也夫酒食衾枕之養恒
人之所樂也非吾黨之事也文而傳傳而急焉
謂非養志乎夫人子以養志為孝魯也孝矣然
聞劉子之事其合浦博士也猶魯之養志也語
寶制堂錄序 方序

二

曰惟孝子乃有孝子夫劉子將不為孝子乎忠
孝人之大本也而劉子全之是則章江之有聶
都也子曰有德者必有言觀寶制堂私錄者當
以此法觀之

嘉靖八年己丑四月十有七日序于杭之光輝
堂

書梅國文集後

閩莆黃未軒先生爲前明理學名臣詩文集十二卷大庾劉節所校廬陵劉玉作序二劉公皆未軒督學江西時所得士也夫未軒衡文傑地拔通顯者知不惟二公二公皆科甲躋公卿稱受知者亦奚但學使者乃一則序其文而信服其有德一則走幣數千里泰梁慟喪手訂遺編者何居於以見道學淵源師若弟相與在性命之微高論未軒即以知未軒之取友也余守南安蕪署吉州憑弔庾廬曩跡吉於昔時故多君子若庾則梅國公拇指焉公風節事業傳乘詳

寶制堂錄跋

游跋

一

矣余最企慕乎公者當致政家居慨賢守張東海已去劉蒙川一辨希微懼濂洛之失傳也開梅國書院於言湮教弛之日都人士翕然向風記所稱先生教人以聖賢自期許以主靜爲本以窮理爲先以力行爲要者是已至今日士知務學習尚淳樸非前輩流風餘韻哉公後裔明經斯來偕其子庠士好德欲重錁寶制堂私錄請言於余斯錄林文僖公已弁其首余後進復何名惟未軒爲公師文僖爲公友皆吾鄉賢大夫公又曾叅政閩藩余何可無言獨稽明內府藝文志載梅國集四十二卷錄僅數十篇散佚多矣

繼茲後人廣而搜之勿使此郎窺豹是所厚望
乾隆十有三年戊辰秋中古閩後學游紹安跋

寶制堂錄跋

游跋

二

書重梓梅國文集後

南郡古稱梅花國雪臺劉先生標爲號盖有取于梅花太極圖之意而凡蘊爲性情心術抒爲德業文章胥由是也余年來課業東山步劉公讀書處與蒙川先生脩濂洛論語遺蹟一脉辦香密邇相聯輒依徊不能去既而劉公裔孫斯來重構蒙川館並輯梅國文集命男同學生好德付梓請余一言竊劉公章源第一流人物學問風節洋溢楮墨間宏開梅國書院嘉惠後學至今餘韻猶存其立言無非本濂洛闕閩之旨採莊列左穀之遺探月窟而躡天根琳瑯奪目

寶制堂錄跋

黃跋

一

光昭文冊林呂諸公序前太守游公跋後固已無美不該余何庸贅第念寶制堂私錄私者誌家學所自也一家之寶不僅私諸一家私也而公之其必有自鄉而國自國而天下以廣其傳者矣劉君以經明行修之彥踵壽邑令君故武殫精竭神搜羅散佚脩復前徽斷簡殘碑悉登梨棗雖未獲窺內府全書而含英茹華旨歸要領已覘一斑今者司鐸臨川將之任邑故多名公鉅椽奇氣磊落冠西江挾茲編以往吾知其所以闡太極之精蘊恢梅國之遺緒春風化雨都人士奉是爲藝苑之金科玉律而有光乃祖之

鼓鐘簧序珠明合浦也由是洛陽紙貴遍播遐邇永
金石而垂不朽數點梅花天地心無不可于茲編而
一會之矣其有功于理學薪傳豈淺鮮哉書贈之以
附簡末

乾隆十四年夾鐘月古閩後學黃允肅跋

寶制堂錄跋

黃跋

二

書梅國文集後

余少時讀鄉前輩未軒黃公詩文集即知梅國劉介夫先生蓋有道而文者也蓋庾初急欲得梅國全集而卒讀之徧訪藝林文苑未見其書徒從省郡志內讀一二碑文碣記嘗一嚮於全鼎謂知其味則可謂足飫饑渴之心抑未也戊辰秋杪手纂邑乘廣徵藝文始得明經劉君斯來出其先人一翼公所刻二卷約數十首雖皆應酬雜紀文志規撫周秦不作漢魏以下語亦足徵先生立身制行蘄進於古文肖其人意必尚有侔典謨追訓誥奏疏論議駕董軼張陸寶制堂錄跋

余跋

一

而上之者不寧惟是胡弗未之見也以此知其散失多矣夫有道能文化不恒有間一有之而位望不顯藏諸名山俟之傳人不保其後宜也若先生位高望重梅國全集四十二卷內府紀之子孫藏之乃不再傳而斷簡殘篇僅存十一於千百則夫古今來瑰璋竒文泯沒不傳者不知其幾可勝惜乎或曰先生當武宗之季羣小側目介石自貞奏疏論議不避忌諱恐後來賈禍寶制堂私錄之板致政後已自毀之及其曾孫所傳皆自他書鈔出非原本也果爾是則後人欲讀先生之書者之不幸不足爲先生惜也先生

有道人也詎必以文重哉

乾隆十三年秋杪莆陽後學余光壁跋

寶制堂錄跋

余跋

二

重刻寶制堂私錄記

先太祖諱節別號梅國由解元登進士亞魁試
任即授兵曹後出爲州牧有政績仍內召蒙
特簡兩任文衡初粵西次蜀其所取士皆有德
有造之彬彬者一時聲施籍籍歷任至都御史
保釐東魯無總兩淮晉秩至刑部少司寇生平
著作有梅國集寶制堂私錄其所手訂若廣文
選若春秋列傳若周詩遺軌當時名公巨卿咸
寶制堂錄記

有序贊交稱爲胥乘子產因歷年久兩遭回祿
存板散失頗多先祖父輩不敢忘先人手澤購
求逸書幾集而成卷矣無柰力不從心先君子
竊嘗有遺憾焉予自髫年從先嚴君講學于賜
書樓之凌雲書院每每出先司寇公之文章示
予曰此文應傳不朽其紹述而光大之先司寇
之所望于爾祖父之爲後人者爾祖父人不敢
不以先人之望于我者望我之子若孫如時可

為宜付之梓人以公於世子承明訓敢不夙興
夜寐勉旰未逮雖不能表揚而章大之然繼志
述事則人子事也敢他護乎茲幸受事壽邑令
奉職之餘冰蘖自甘決不敢以力綿才淺負祖
父之命不付梓人而傳之不朽耶是予之罪也
夫是予之責也夫

康熙丙午六月之吉曾孫一翼謹識于古斟灌

公署

寶制堂錄記

二

重梓寶制堂私錄記

寶制堂私錄吾六世祖司寇 雪臺公撰貽後
人藏版兩經回祿伯父伯宿公從灰燼中搜梓
于壽光邑署閱今八十餘載滄桑屢易散佚良
多余自少侍先嚴偃菴公讀祖訓每顧余言曰
吾家自 梅谷公司鐸南浦一脉傳經屢代不
絕 雪臺公克振舊緒闡儒先微言與義皆足
永垂金石遺編殘缺弗全怒焉滋疚務光祖訓
寶制堂錄記 六世孫
一
以廣其傳是吾志也余小子敬誌不誼年來命
子好德同族士殫神廣蒐凡寺宇斷碣碑銘暨
親友家藏遺稿靡不輯登梨棗彙成卷帙稽內
府藏書僅存什一於千百而精華所萃炳炳烺
烺垂子孫以昭法守播遐邇以公同好亦惟仰
體先人肯堂肯構至意毋敢隕越焉余不敏撫
先型而愧勵交集管窺蠡測未能研晰精微而
卷分上下目詳世次校正魯魚亥豕受為己任

亦不敢不引為己責也若夫顯揚而光大之是在後人繼述罔替與海內好修君子心源有嘿契者惠錫瑤璋啟所未逮良余之素願也夫
乾隆十三年夏五月六世孫斯來謹識

寶制堂錄記

六世孫

二

寶制堂錄上卷目錄

男 魯 錄

曾孫一翼重訂

六世孫斯來重輯 男好德校字

兄斯科

孫藻

曾孫文燦

全校

記

迎恩橋記

兩知亭記

雲巢記

寶制堂錄上卷目錄一

湛泉記

督學題名碑記

達州重修廟學記

月塢癡人記

南康縣學重修祭器記

青谿橋記

存公樓記

盛氏義田記

都憲陽明王公生祠記

重修明倫堂記

郡侯何公德政碑記

重修真覺寺碑記

序

素王祀典通集序

栢嶺吳氏族譜序

韶陽鄒氏族譜序

南安府志序

廣文選序

一鶴山人序

贈羅子序

寶制堂錄上卷目錄二

壽甘媪序

贈符宜臣序

秋崖序

和聲集序

贈方伯陳公之闕藩序

序燕

贈胡大夫序

贈中丞潘公序

贈朱大夫序

贈王大夫序

贈臬使周大夫序

寶制堂錄上卷目錄三



寶制堂錄上卷目錄三

寶制堂錄

男 魯 錄

曾孫一翼重訂

六世孫斯來重輯 男好德校字

兄斯科 孫藻 仝校

曾孫文燦

記

迎恩橋記

迎恩橋者信豐邑城北橋也城北門曰朝天故一名朝天橋橋當邑孔道決于玄冥燬于祝融有年矣時寶制堂錄 一卷 一

詘焉弗暇爲矣力詘焉弗能爲矣勢詘焉弗敢爲矣枉設矣淋則朽漲則漂舟濟矣涉而市利則斲汎淫而弗利涉則溺病哉橋與歲則歲矣月則月矣日則日矣玩愒哉孰爲之恫乃躬哉臬臺副憲林公按部至邑耆老以病告公廉之實怫然曰民隱哉迺擇諸部吏可事事者命之計復曰橋故疊石墩樹者四圮二毀二堤壘者二頽其一其一尚存也爲之哉巨石基之堅木梁之削石覆之永圖在茲公曰費當若何僉曰厥金三十四斤有奇公度曰淫祠嘗撤之矣厥基貸哉厥直什八贏以贖金斯盈哉迺請于督府中



丞聶公得允迺以邑令李朝會總其事戎所指揮朱
誠協相之南康邑幕史朱琇專董之經度伊始督府
中丞潘公代至再請焉得允迺屬邑簿曹栢義民李
泰施甫李朝京楊東白甘廷冠分治厥後始事于嘉
靖乙酉冬某月某日石伐焉木斷焉存者飾之頽者
補之圯者增之毀者作之始基之中梁之終覆之某
月某日告畢矣完矣美矣鞏而奠矣士忭於校農樂
於野商賈俛旄舞於市塗咸相謂曰我有長幼弗集
于庸我有粟帛弗賦於公昔也焚嚙今也阜隆昔也
墊覆今也坦通督府公功邪臬臺公功邪吾莫得而
寶制堂錄

上卷

二

知也迺歌曰孰深而厲孰淺而揭我徒我輿萬世之
利孰方孰舟孰泳孰游我徒我輿萬世之休比訖視
邑篆郡照吳崇暨幕史琇報成于督府督府令曰有
是哉足以永矣毋棄爾成哉庶勿壞崇也琇也率其
民甫也恭也告記于劉大夫劉大夫曰夫難成者功
也時焉力焉勢焉弗誣也爲之斯易易也謀同爾矣
智周爾矣用裕爾矣說道也佚道也中正節也展也
足以永矣記可迺記

兩知亭記

兩知亭宗伯二泉邵先生作也先生先太師元相文正李公門人也道德文行公知先生深矣先生累遷至少司徒疏請省太淑人于家得 允公時當國

文贈焉曰信難抵錫作歌寄題惠泉示意焉卒曰我歌泉和兩知音先生再疏請得 允侍養公尋謝

政矣復數年公訃至矣先生哀焉請公遺像於公甥崔尚寶世興置超然堂朝夕參焉拜俯如昔懼贖也迺作亭堂西麓瞻焉懼湮也迺肖諸貞珉嵌亭中壁永瞻焉亭曰兩知揭公歌中語也節也陋先生門人

寶制堂錄

上卷

三

也日起制走向吳謁先生于二泉書院先生曰兩知亭往哉節趨而謁焉迺侍先生命曰亭爲先師西涯公像設也予嘗語子矣公知子猶予知子也是亭也非子誰當記諸節再拜辭弗許退而思焉俛俛然若瞻者之於道客過之問曰汝有思乎節曰有客曰思何節道故客曰善乎爾之思也公歌而知音可言也泉曰和而知音焉不可言也爾思得乎哉試言之節曰難言也公歌泉也公意非泉也節思之矣泉也者水也泉何聲謂之和泉何知謂之知音哉觀物觀我有幾焉曰通微也何也夫泉山之氣也氣虛而應者

也玄然幽默有靈司焉曰和也和氣相感也是故公
歌泉莫之和猶夫和也公知音泉莫之知猶夫知也
莫和之和真和也莫知之知真知也故曰通微通微
者神也客曰然則公於先生云何節曰公不云誰哉
更識泉齋心泉齋謂先生也公於先生相信者道也
非徒文也相知者心也匪徒言也是故托歌於泉曰
和也托音於泉曰兩知也於戲公意遠矣詩曰他人
有心予忖度之客曰有是哉亭左像錢希翁右則存
一府君何也節聞之希翁先生友也渙然之亭銘焉
期先生於道可謂諒矣府君博學守禮紹美容春先
寶制堂錄

上卷

四

生聞祖也並附焉志感也請復于先生先生曰記可
哉迺記

企齋陳子築室鈴東之墅室成客有過之者陳子速而入客曰美哉隱者之室與陳子曰猶夫室也子焉知爲隱者之室客曰僻而曠邃而雅聞而不雜非隱者之室哉陳子曰異哉子之言與夫隱哉也非室也如子之言室固移人邪異哉子之言也子復有說乎客曰有哉求樵者於水可乎陳子曰不可求漁者於山可乎曰不可求畋者於市可乎曰不可求商者賈者於野可乎曰不可客曰誠哉水不可以樵山不可以漁市不可以畋野不可以商賈也是故樵者必求

寶制堂錄

上卷

五

於山也求漁者必於水也求畋者必於野求商者賈者必於市也何也物之情也故曰隱者之室匪室能移人也求隱者必於是也陳子曰博哉言乎子復有以惠我哉客曰將與子卜之乎迺登於鈴山之丘望焉雲冉冉自東南諸峰起俄頃之間敷布繁密若合焉覆於陳子之室客矍然謂陳子曰鬱葱乎雲哉子之兆與子之室之兆與子知夫雲乎夫雲者氣也膚寸而屯岩棲谷藏若無心於出者視天下槁死炎赫漠不相與既而升焉瀰漫蔽空霖雨四海厥施溥矣古之人不見乎世避群逃迹若雲之在山也逮其出

潛離隱相焉。卿士焉。百執事焉。下膏澤於元元。振疲
瘡於燬雪。猶霖雨然。亦奚擇哉。故曰。隆污者時也。進
退者道也。道以時措者人也。子之室。負山。山則深矣。
帶林。林則密矣。子棲息于是。亦既得其止矣。子則微
之曰。雲巢焉。固將有望于子哉。陳子曰。知我者子也。
知我者子也。鳥獸不可同群。我故嘗斯志矣。時乎不
遇。抱關擊柝不能也。介石終日亦徒尚其事耳。雲哉。
雲哉。吾將與之棲哉。客迺歌曰。瞻彼雲兮。有淦在庭。
巢之結兮。君子攸寧。又歌曰。雲兮。英英在室。之陽巢
而棲兮。君子之光。陳子迺從而和之曰。我築我室兮。
寶制堂錄

上卷

六

鈴山之麓。我棲我遲。今在我空谷。子惠我兮。雲之巢
我則何心兮。佩以終穀。

港泉記

南安郡城東里許廣化僧舍有泉焉寒冽可汲唐開元中始疏鑿築臺臨之名曰湛識以石宋中葉好事者復濬之迨今泥揜不食者若干年矣張子天叙乃得諸蕪莽中甚愛之剔斬澄汰仍故址結亭其上泉之名遂顯食者益衆泉復功焉君子曰遇哉泉乎鑿于始揜于中勿幕于今也夫泉冽者性也泥者欲也潔者復也君子比功于泉其在復乎易曰可用汲王明並受其福汲則福弗汲而福者鮮矣張子于泉有取焉遂自稱曰湛泉亭作于正德十六年辛巳二月

寶制堂錄

上卷

七

某日是年之九月望後五日劉子介夫視學至蒼梧爲之記

督學題名碑記

皇明洪武初年詔天下府州縣立學設諸校官爲師
閭里俊秀爲弟子員各以其長吏提調之正統改元
設監司提督授

璽書從事景泰元年罷去天順

六年復設比今餘六十年不變也廣右諸郡縣立學
張官風聲教化與中藩齒督學諸監司徒者恒稱得
人顧勒名之碑未樹君子謂缺典者非邪節昔承乏
西屬嘗作是碑復承茲乏三年矣惟往者莫改來者
莫爲之繼是憂迺碑諸或曰碑勸也又曰勵也曷爲
勸且勵也司馬子記諫院謂某也忠某也詐某也直
寶制堂錄

上卷

八

某也曲人將指而議之故曰勸且勵也某嘗疑之謂
其中人望人者也夫中人者導之善則善禁之不善
則不爲不善者也是故上知大賢其爲善火然泉下
其不爲不善騶虞不殺竊脂不殺何也夫善者性也
性出於天有善未有不善者也上知大賢爲善不爲
不善率性而已矣性教所從出也監司督學任教人
之責者也教人者教之率性而已矣詩曰民之秉彝
好是懿德言率性也節也中人弗逮導之善猶弗能
焉者也敢不惟是碑是懼於戲道積厥躬有教無類
前諸君子其謂斯何後諸君子其謂斯何詩曰高山

仰止景行行止

寶制堂錄

上卷

九



達州重修廟學記

達古州治洪武初置爲縣隸夔郡惟有學建廢之詳
五季前不可攷宋嘗修之燬元末廟獨存入我
皇明治化與文教遠邇窮鄉僻邑宮宇俎豆靡有或
遺達學始克完美歲乂弗加葺堅者朽隆者撓飭者
汚廉隅若存漸不可支加之教者惰廢不立司民社
者蹈常襲怠弗知振厲雖豪傑士式克奮興而崇重
作新之幾非才賢者在上孰爲之地哉弘治中副憲
董公齡駐斯地間嘗加意修飭稍就緒邇者盜起東
鄉與達爲隣有司者惟完城郭繕兵甲訓士馬爲急

寶制堂錄

上卷

十

學頽圯視昔日甚副憲曹公將

璽書撫飭兵民

初至衆方以平盜望公禮謁殿庭進諸生語之盜平
當爲爾新斯學無何盜果平迺屬教諭王夢璽董其
役始于禮殿次二廡次戟門次櫺星門次御書樓次
明倫堂次訓齋肄舍又次之廨宇木者石者陶者圻
者丹堊而髹者百工咸集可仍仍之否則易之甚者
撤而增之功垂成迺度學宮南六相樓故趾垣而屋
之東向者爲祠二前曰名宦祀昔之吏達有功惠于
民者前之後曰鄉賢祀達之前聞人有才行可法者
又以憲副董公嘗有功于學民且懷其愛馮公傑死

于禦盜達之人哀慕迄今不衰故祀董曰遺澤祀馮
曰進忠二祠居名賢東中復爲樓名曰清風樓之前
樹門曰崇德皆公論世考德義以起禮有闕名教爾
也經始於正德十年某月以某月告成凡市物籩工
金以兩計若干粟以石計若干皆取諸贖刑羨餘凡
石以塊計材木以株計磚甃以片計若干皆取諸撤
成樓故物凡力後取諸卒伍之暇更番以就事達之
吏若民若罔聞知而學宮煥然矣節視學至達夢廬
率諸生執邑人唐叅藩錦舟事狀以記請方圖爲公
頌之于時傳使者馳部符奉

寶制堂錄

上卷

十一

天子休命復達爲州節仰而嘆曰事之成有幾哉達
爲邑今百五十餘年爲學會亦百五十年餘矣學新
州復式相符契豈風氣重開文爲之兆哉抑亦文運
丕揚徵於封守宏拓哉况承平日久百度崇飭而達
之學校因陋就簡弗克一大振顧乃興廢起弊於盜
賊甫除之後何也魯僖作泮淮夷獻馘惟公俘戮群
醜學宮乃新事異理同而幾不容間學所繫豈曰細
故哉竊聞之聖王以道治天下而法維持之學校之
設使人將以明道而行乎其法者也故曰校者教也
教立則道明道明則化行法正而天下治矣爲臣則

忠爲子則孝道之大者也不臣者殺無赦不子者殺
無赦法之大者也有人倫明於上民志定於下此治天
下以教化爲先而學校爲郡邑所當重者也是故達
今州矣達之學今州學矣聲教日隆人才日衆駸駸
乎與蜀名郡齒豈徒侈壯美爲哉吾徒之進修者當
知所圖矣吾民之得於感化者當知所圖矣吾群吏
之食茲土者當知所圖矣公諱恕字本忠燕南人登
弘治癸丑進士由戶部郎中歷臨濠叙三郡守進今
職所至以剛果稱蜀盜平功獨居多茲不暇錄也

寶制堂錄

上卷

月塢癡人記

大保永昌名山也山東向東之山咸拱而扶無敢與
抗高恃大者朝日夕月容光必先及焉而月夕尤當
人意月塢子居之耽樂成癖客有過而問焉月可樂
乎月塢子不答大保之月可樂乎月塢子亦不答客
曰子癡哉子癡哉吾請不復與子言矣歸而告諸涵
虛居士曰大保有癡人焉子曷扣之居士迺巾車秣
馬俟月盈之夕進焉徑路迂僻林木深阻宵不知其
所之也既而窾入迺見一人焉盤踞大石披襟散髮
仰視太虛嗚嗚然爲楚聲歌之歌已而復答焉既而
寶制堂錄

上卷

三

嘯焉以悲居士迺進而扣之曰吾聞大保有癡人焉
非子也邪疇昔之夜客有問子月可樂乎大保之月
可樂乎子皆不答何也月塢子亦不答居士迺與之
坐焉以伺其所爲月塢子復爲燕趙之歌歌已復嘯
焉以悲居士曰我知之矣子之樂非月也子之樂而
癖非大保之月也子之志我知之矣子非忘世者也
子志於世而世且違焉子殆棲遲於是以待世我用
而行之者與子寧癡乎哉月塢子亦不答居士迺歌
曰皎皎白駒在彼空谷生芻一束其人如玉又歌曰
山有榛隰有苓云誰之思西方美人彼美人兮西方

之人兮月塢子迺躍然曰噫嘻哉子非癡人焉知癡
人之爲癡也將與劇談焉而東方既白矣迺相謝而
別

寶制堂錄

上卷

十四



南康縣學重脩祭器記

聖朝王祀孔子天下郡邑咸設學學有廟禮樂器度
至隆至備

憲宗皇帝御極從禮官請春秋輝奠樂用軒懸舞用
八佾籩豆簠簋壘爵之數咸視天子千百世下上崇
祀夫子典禮至矣無以加矣南康爲吾郡屬邑設學
立廟視郡無殺焉祀夫子禮器視郡學無殺焉殺以
樂舞爾矣歲更歷邑吏變置學博士弟子代易典守
非常恪恭寢懈以弛備者闕矣新者故矣精緻者敗
矣金者木矣木者竹者陶矣銅毀而孟矣爵毀而栝
寶制堂錄

上卷

十五

矣尊壘毀而鬯矣王祀夫子典禮顧若是咎孰歸哉
戎備憲使林公按部至禮謁

廟庭退而講于堂進博士弟子曰祀夫子禮器備乎
哉僉曰弗備也公曰吾事哉迺命攝邑唐丞盛以贖
金從事籩竹爲之豆木爲之簠簋登銅尊壘爵咸範
金爲之夫子一位籩豆十二簠簋四登一銅二雲雷
尊一犧尊一象尊一爵三備迺已顏魯而下降殺如
制咸備迺已凡爲爵一百三十有九凡爲登五凡爲
銅二十凡爲簠爲簋四十有四凡爲籩爲豆一百八
十有八凡爲尊三既備迺釋菜告成事焉於戲盛哉

重道崇教欽

制飭度敦化茲舉備矣於戲盛哉嗣是作室以居博
士門堂寢宇備已作舍以肄習諸弟子舍以楹計二
十器成事事有序哉可謂義矣公莆人爲工部抗疏
庭笞摘判支郡起

天子新詔進令官頽材宏度貞守懋政君子稱焉魯
侯作泮魯人頌曰敬明其德維民之則允文允武自
求伊祜頌公功者以之

寶制堂錄

上卷

六

青谿橋記

淳安之邑南有山焉曰青山山之下有谿焉曰青谿
谿當衢發饒信之衝取道者衆溢而漂漲而溺恒是
也人稱艱焉是故造舟爲梁以濟病涉厥自邈矣有
宋慶曆輯焉名曰百丈紀其度也繼而開禧輯焉名
曰嘉定紀其元也繼而淳祐輯焉名曰青谿紀其地
也往是廢興與廢不可攷矣遺址具存舟梁不復漂
溺孰援可勝病哉嘉靖戊子縣令林學憂民之憂忍
弗容已從事棘院懇白于

巡察鳳村張公若曰青谿病涉久矣邑政之敝莫是
寶制堂錄

上卷

十七

焉急敢以輯請公曰得無勞乎學對曰黎民之力弗
敢勞也公曰得無傷乎學對曰府庫之財弗敢傷也
公曰然則女慎爲之學對曰舉歉勤衆構怨興毀敢
不慎與既反邑迺卜迺筮迺謀迺度士豫民說旅集
工來迺召其耆老告之曰某也某也某也某也女典
募從者籍之母濫也迺召其閭右告之曰某也某也
某也某也女典役勵者勸惰者督毋怠也迺召其下
吏告之曰某也某也女總羣度初而經中而作終而
考毋弛也舟焉載之板焉乘之鏈焉繫之冶鐵而兩
其數始事是歲之冬甲子比己丑之夏辛未告成矣

舟以軸計七十有七板以截計一百四十有五鍵以
丈計一百一十有八左馬疊之石門以通扁艇名曰
古渡表其蹟也前焉構之重屋以聚市肆名曰勝槩
表其觀也有是哉事也半古之人而功則倍之財取
諸商問之在官在宮不知也力取諸傭問之在民在
民不知也是故淳之人咸相告曰斯谿斯梁不圖今
日復慶曆之績也吾與若其免夫漂且溺哉衢婺饒
信之人咸相告曰斯谿斯梁不圖今日復開禧淳祐
之績也吾與若其免夫漂且溺哉迺從而歌曰昔也
弗梁我其爲魚今也梁兮我車我徒昔也弗梁匹夫

寶制堂錄

上卷

六

楫之今也梁兮萬夫涉之昔也弗梁怨恫靡紓今也
梁兮忡舞載塗梁兮梁兮功不可忘兮迺相率謝於
邑壘郤曰共事職也功也何敢迺相率領於巡察之
臺公拒曰非我也有司之事也迺相率告於藩大夫
藩大夫諭之曰惟公弘濟天下者也天下之溺猶已
溺之寧直茲哉恫若乃躬俾女有衆咸克永濟公之
功也令也式共承之其曷敢居哉淳之人迺欣欣然
相告曰允哉惠予于濟公之功也迺相率伐石鑿公
之功以詔永世迺相率請於

巡察新齋陳公之臺陳公諭之曰無言不酬無德不

存公樓記

樓何存公也存公何存乎公也何存乎公也官所曰公又曰事也存乎公者存其事也存其事於官所事官事也存於其所以昭遠也何取於樓而樹之也樓重屋也屋而重焉取其高也明也虛也高則聳明則徹虛則容是故樹之重屋聳徹而容以昭遠也歷下之墟合青兗而都焉者也藩以司牧臬以司辟閫以司戎群吏綱領也維

天子命內臺之貳撫鎮厥都統紀乎藩焉臬焉閫焉以綱領也是故有公所焉有弘厥基有崇厥臺有嚴

寶制堂錄

上卷

二

厥堂敷斯納斯以臨治也是故有公事焉有載維板有稽維籍有質維篆受斯藏斯以微則也是故有而弗存猶弗有也存而弗永猶弗存也是故重屋以居以永存也君子曰允哉可以考政矣夫彰往以俟來也儲委以合渙也執故以程遺也萃紛以絕愆也俟來者信合渙者融程遺者度絕愆者臧故曰可以考政矣詩曰夙夜在公在公明明

盛氏義田記

厥田維何義也厥義維何周於族也何周於族也上有墓也時祭需之犧牲粢盛於是乎備外有戎也歲給需之戈千甲胄於是乎備是故曰義義於族也夫盛吳右族也延及右丞族益大矣族大則繁繁則渙渙則離是故以義周焉義則濟矣夫義孰起之也右丞公起之也公弱而仕壯而爲臯彊而爲藩未艾而爲御史中丞未耆而爲司馬爲右丞矣昔在司馬秉鉞南征執厥渠魁殲厥醜虜膚功載奏

天子有錫錫以金綺始也錫金四鉞繼以三鉞公拜寶制堂錄

上卷

二

稽首受錫義弗自隱迺易田焉維百其畝再進右丞以祿盈之以佃以獲祭戎是需宗人咸具渙者萃離者合老者忻少者慕尊者樂早者懷迺樹之表以考以識用詔于永永無斃君子曰義哉公之舉與敦禮廣孝推仁訓忠備矣夫享以時薦禮之敦也利以用濟仁之推也因享而思孝之廣也因利而報忠之訓也是故敦禮者敬推仁者愛廣孝者則訓忠者程是故敬立者尊愛生者親則徵者化程督者勸是故道修倫厚德崇勳懋而天下之事庶幾矣詩曰德音孔昭視民不怵

都憲陽明王公生祠記

日者御史中丞陽明王公奉天子命往撫江湖閩廣四藩連屬十餘郡之地誅惡伐叛師旅用命不用命悉得以兵法便宜從事制權嚴重在昔撫臣未有也有之自今日始至下明天子法於諸藩臬閩衛郡邑飭紀由度庶職用肅民用懽忭士卒立有生氣時羣盜四擾閩爲急提兵往戮之掃其穴易若振稿吾南安壤地橫水劇賊謝志珊聚黨與盤據之稱名曰峯山溪深阻險惡攻不可入往歲大舉爲亂侵上猶攻城南康幾陷犯大庾境諸鄉落居室稼穡悉爲之有

寶制堂錄

上卷

三

公還自師廉其實嘆曰狗鼠輩亦污吾干及耶迺集克閩諸部伍饗勞之選厥精銳分布將領爲翼攻計公徒步率先鋒直搗其前以奇兵從間道焚藪澤鳴鉦樹赤幟劫其後賊遂潰一鼓擒之俘獲無筭橫水平用是即其地計畫爲邑䟽于朝俾吏治之召故民及來集者宣之畝之高城深池以衛之以永奠茲土南康邑耆老王貫賢吳登崇王貫理吳持瓚輩率相告曰曩盜賊爲苦患甚劇邑城圍者過半使射非中賊肩足解去危禍殆不可言我都憲王公來拊循我有衆親率我子弟斬滅是賊俾我民安我父母保我

子孫利我桑麻穀粟士卒業于校工食力商賈貨殖于道罔虞侮我公萬世之功在我民者如山峙川注永永無斃我民盍爲公久圖之建祠學宮之東肖公像于中祀公以報公也祠成謂節辱從公司馬大夫後宜記竊惟歐陽子永叔以通經博古爲高濟時行道爲賢犯顏敢諫爲忠君子謂宋之元氣在廬陵謂永叔也公稟氣完粹志向剛勇以至聖大賢爲師養心之學洞視千古自功名而下不齒也當在司馬時逆瑾始用事械繫臺諫人莫敢言公抗疏力救之下詔獄庭笞幾死不死謫貴陽下吏窮理盡性之學

寶制堂錄

上卷

三

益造精蘊起爲吏部郎進鄉太僕鴻臚講學之士四方日集每語及天下事行能善者躍然喜否則憂形于色食寢殆廢救時敢諫之風直追往哲而篤志于道優入濂洛之域與支離空虛之學實相鑿枘議者謂今日休明累洽亨泰隆平賢才濟濟以楨王國而元氣之屬如廬陵者意有所在其然邪吾郡最爾一隅師旅制勝有文者餘事也公修仁義習詩書禮樂一旦用武遏強寇風驅電掃不遺餘力使進而宰天下詰戎兵威制四方雖古之專征敵愾幹不庭以式闢疆土可也顧茲祠宇聿崇具瞻依於我郡邑同若

民志不可逆抑然功在捍患揆諸祀典符合無替蘓
明允不云公則何事於斯于我心不釋然使人存之
於目思之于心也於乎盡之矣公餘姚人字伯安學
者稱爲陽明先生名業方重視廼考冢宰公爲有光
云

寶制堂錄

上卷

二四



重建郡學明倫堂記

陳侯克重建明倫堂於學宮重教也高皇帝登極首
詔天下立學講堂皆曰明倫昔宋隆道由聖化成麗
澤養源尊道諸名皆廢矣南安學設自洪武至今百
八十年矣爲殿爲廡爲堂爲齋爲門爲亭爲閣爲祠
爲書院備矣建置修頽舉廢可考也北陳侯至謁殿
登堂亟圖脩建請于巡撫督學報可乃始於禮殿二
廡次之戟門櫺星次之啟聖祠次之敬一亭次之四
齋大門次之尊經閣次之周程三先生祠道源書院
次之工鉅計周用舒力豫皆可書也顧惟明倫堂撤
寶制堂錄

上卷

二五

而一新作于殿廡祠亭之後門齋閣院之前紀事特
書重建也是故堂之役掄才鳩工樹表正位壯麗華
美昭其文也崇廣宏大昭其容也臺遠堂伉昭其明
也庭植址厚昭其隆也春秋擇奠習禮奏樂朔望度
謁陳經講義朝夕升聚迪訓崇範成於斯焉視成而
五典五教師以是教弟子以是學耳聞心警日就月
將斯士斯民駸駸乎復唐虞成周之化侯修學重教
之功大矣

却侯何公德政碑記

南安郡守臨山何詹任夫名宗伊上元人也起京闈
貢士歷遷南都工部郎中擢南安太守視郡事老成
練達平易愛民惇厚寡愆寬和有體折獄詰務得其
情無酷虐吏胥不得以文法上下其手行政簡靜不
欲爲煩瑣擾紛事竟集接人謙恭有禮毋侈位傲物
意郡南有江以橋濟創造自昔雨漲輒圯修于前守
未久復傾毀入甚病涉侯力修之分任顧倅价督責
工役伐巨石增疊梁乘屋覆之結構鞏密公無傷財
民無傷力可謂有功于郡矣逾二年入覲以微謏謝
寶制堂錄

上卷

三

事去去之後十年于茲民咸懷慕弗釋乃合謀礱碑
請紀唐蹟以章去思竊嘗攷之漢史班孟堅傳循吏
文翁以下六人范蔚宗傳循吏衛颯以下十二人行
卓異所去見思不可尚矣攷諸郡志賢守列傳在
宋則有若祝侯深慈祥愷悌侯潔宣布德澤方侯崧
卿平易得民趙侯孟邁廉勤爲政逮我明則有若於
侯潤珪橋梁廢墜修舉一新林侯羊公平裁斷興利
除害金侯簡靜修橋有功毛侯智節財省費民力不
擾侯可謂兼之矣吾郡之民去後追思如不能忘殆
感化興起以獲古人之心者哉詩曰樂只君子民之

父母又曰有匪君子終不可諠兮節不佞詳書其事而
系之歌猗與何侯有美其才勤敏通達百度用釐猗
與何侯有令其德撫字綏寧民被膏澤人亦有言政
在簡寬簡乃不擾寬乃不殘人亦有言政在和靜和
斯不乖靜斯不競猗與何侯爲政不頗既寬既簡既
和既靜子產溱洧乘輿以濟民私其惠罔有厲揭惟
邠有城城下有江自古在昔有扛有梁雨漲既圯既
沴而修財既匱止民亦瘳止伐石鳩工何侯營之堅
密鞏固何侯成之猗與何侯茂勛休績媿美昔賢勒
之于石庾山蒼蒼章水湯湯民心永思百世不忘

寶制堂錄

上卷

二

重脩真覺寺碑記

吾郡據西江上游爲京國交廣要津其梅山嶺嶼章水淵澄足稱一郡竒觀去郡治僅里許有山巋然東峙建佛刹於其上茂林修竹幽曼艷深凡達人高士詞工藝客無不登臨玄覽一方勝槩萬井閭閻望之咸在中且峯巒盤結溪澗縈紆余謝事歸愛其有林居之樂無俗鞅之擾常與鄉大夫耆俊息駕寄興於茲但其卑隘傾圯不足以延賓從恣遊觀也余欲拓其址宏其規而聿新之乃以僧性定主盟是事勸郡中賢俊耆碩甘璧黃廷器湛鑿蕭瑩謝春瑩李恩李

寶制堂錄

上卷

六

呈林謝文秀鍾黼陳鵬許自新尹廷鶚彭泗蕭銓商鵬曾廷宮蕭士鶚鍾肯謝科曾俊音朱恕朱霞暨吾免音共成其美庀材鳩工伐石以樹棹楔表曰南州勝覽厥前爲山門爲蒙川館引泉泛觴厥中爲堂爲殿厥後爲觀音閣爲真武宮厥宇弘壯厥制英偉厥度高寬廣厥直取諸衆厥力取諸募規模改觀山川增勝遊人之懋斯息斯飲斯樂斯隄斯咏斯興適情怡神爽心曠莫不稱其美麗伉潔也經始于嘉靖丙午秋九月告成于冬十二月既落而宴咸以修廢起新之功歸余清紀其盛余曰營建協成乃諸君子之

功也余何有焉矧性定清修苦行有足取者余與諸
君占溪山之盛結社以終老焉而定也爲山上之遠
師草堂之奏功也惜子之迂不能如淵明樂天之曠
達而徒想其人于異代可愧也哉

寶制堂錄

上卷

元

序

素王祀典通集序

是集廬陵周公時可督閩學所輯泰和陳公文明督湖學再刻以傳者太宰晉陵王公司空安成劉公嘗序之我祖宗列聖崇報孔子儀文之盛敷揚至

矣節不敏承乏西蜀歷諸郡邑視學禮謁

殿庭

退而觀之從祀諸賢自十哲下稱列合典禮者十七其訛謬雜遺若費薛公姓名不稱或止書字曲陽居任城上唐儒置漢晉宋間建寧改封猶稱文定將樂既祀主且未立甚則林慮諸城或亡闕不在祀位釋

寶制堂錄

上卷

三

奠樂久殘缺鼓鐘有聲無節琴瑟無絃柱不作墳篋之音莫辨爲何舞者執籥翟各爲舞或竝立俟徹不問籩豆簠簋弗備備且弗制雜以今燕食噐品物陳薦如儀度無幾矣嗚呼蜀爲西南巨藩文物衣冠于今爲盛顧于崇祀夫子禮樂獨廢壞至此是誰之責與節用是懼亟取是編付巴邑令張憲鍈梓以布諸學宮憲弗敢苟借教諭王宥鄉貢士李堯卿較正增輯易今名通二序刻之士範于我有衆今而後考噐度修飭服行舉如制罔敢如往者怠厥事我郡邑司政者責也飭置既備禮遵法守俾勿壞罔敢肆忽襲

柏嶺吳氏族譜序

此柏嶺吳氏譜也譜吳者奚始乎曰始于柏嶺柏嶺
奚始乎曰始于建康建康奚始乎曰始于延陵延陵
奚始乎曰始于太伯太伯始于姬夫吳奚始于姬也
曰姬后稷受氏也后稷肇封于郇公劉徙豳亶父徙
岐猶故姬也太伯遜居勾吳至壽夢之子札去延陵
遂氏吳故曰延陵始于太伯太伯始于姬夫建康奚
始于延陵也曰延陵而下遐哉邈矣至少馨仕唐元
和爲司戶徙建康沂扎二十有一世故曰建康始于
延陵夫柏嶺奚始于建康也曰司戶而下又十世未
寶制堂錄

上卷

三

晞仕宋宣和爲刺史塋鷲湖之東山其子迪卜居柏
嶺實自建康徙也故曰柏嶺始于建康是故吳譜自
刺史始柏嶺始遷之祖之所自出也刺史之後四世
爲丞爲薄五世爲翰林爲參軍爲判爲令爲太學正
爲助教六世爲節判爲藩照爲司勳爲郡馬七八世
爲總管爲郡邑教爲山長宣和後舉科第登仕版繩
啟之發之庶其有造也戾彼多士蹈故弗新投牒就
錄徃徃不齒諸郡覈最者有遺論焉豈道不足行可
似者不可似邪播善之謂譽誠惡之謂毀毀譽已之
召也予也慎弗敢肆恭弗敢侮和弗乖簡弗傲匪于

譽也弗致毀焉耳顧動則謗隨賢者或不予棄不肖者哢堯矣端人良士解子或異忌者已側目張其蒙矣孰召之邪明陟幽黜功賞而勞勸國之典也

子往者授邑吏上方略擒元寇不遺餘力邊鄙攸奠功若懋矣廼上賞弗賚反致讒于儉人觀風者弗察惑之諸宰蔽諸殿考遂謝事子則何恤讒者之言行殆命邪抑非命邪子其卜之大卜氏釋龜策來前曰馬用卜始也弗錄有司不明也終也以讒去宰衡弗公也暴棄弗爲聖馬入之德高毀來賢者弗免矣馬用卜林子廼輟然曰子喻云云似矣姑舍是子將西

寶制堂錄

上卷

三

之楚悲賈生追屈平之沈而弔之陟衡浮湘縱觀于南海而止將奚獲子其卜之大卜氏曰登于山丘垓斯下矣觀于海溪澗斯小矣鑒于往哲忡憾斯夷矣盪膺豁目凝志怡神與天爲徒攸獲鉅且悉矣馬用卜林子曰然則予其行哉道粵以告于梅國劉子劉子曰太卜氏其知道乎夫物齊非齊情也不我者也君子求諸我而已奚進奚退奚喪奚得奚毀奚譽奚榮奚辱奚止奚行求諸我而已矣林子曰噫嘻哉其在彼邪亡乎我在我邪亡乎彼是故凡未始亡楚未始存也劉子曰盡之矣又焉卜

韶陽鄒氏族譜序

人之於身無所不愛也痛則撫之癢則搔之無尺寸之膚不愛焉有尺寸之膚不愛則痛疾疴癢不知爲癢痺爲癢痼矣所謂不仁也夫子若孫乃吾身之所出也寒焉衣之饑焉食之痛疾焉憂之疴癢焉慮之無所不用其愛也視子孫之身猶視吾之身仁有甚於此乎自夫一人之身化爲千萬人之身則貪心萌焉爭心起焉相視如胡越相挺如仇敵聞於墻瘠於溝而不恤矣昔一人之身今何忍至此也先王於是制宗法以統之所以廣人也太宗統百世百世宗之

寶制堂錄

上卷

三

小宗統五世五世宗之凡受命於宗子有無相通患難相恤禮俗相交雖千萬人之身猶一人之身而民焉有不仁者乎此先王之法所以不可及也天之生物也由本而幹由幹而枝由枝而葉祖猶本也大宗猶幹也小宗猶枝也小宗之羣弟猶衆枝葉也有本而無幹枝葉何所麗乎三代之後宗法廢矣由是天下無世家 朝廷無善治鄉黨無善俗今日之人心夫豈異于三代之人心哉教之無其道統之無其法耳是豈獨小人之罪君子與有責焉韶郡鄒氏仁陽之大族也其先自宗九郎者于江西樟樹以官宰

於仁化政滿卽州遂擇於長江之里居焉生六子長曰國誠誠生子魯魯生子惟善惟善生子以文以富以文生子仕斌仕斌生子長曰持紀次曰持綱三曰持綬而鄒氏之族於是乎繁衍矣族之有貴而有賤家之有富而有貧人之有賢而有愚譬諸身焉有生而有死以富貴而大其族者豈可常哉大而可常莫若行先王之法也先王之法行於家則一家仁矣行於族則一族仁矣行於天下則天下之人無有不仁者矣天下者家族之積也張子曰縱不能行之天下猶可驗之一鄉鄒氏行之於其族則他日行之天下

寶制堂錄

上卷

三五

者自此而始矣余于鄒氏瓜葛之雅因其庠生鄒子榮魁榮登及淵請序于余故書以貽之

南安府志序

此南安重修郡志也郡何古國也郡志何古國史也國史何紀一國也郡志紀一郡焉猶夫一國史也是故郡志古國史也夫史堯舜典禹貢湯大誥周官立政尚已周季列國有史備紀載兼褒貶晉乘楚檮杌魯春秋是已漢司馬遷始作史記紀表世家書傳異焉皆史也班固而下相襲爲史紀表列傳猶夫遷也易書爲志矣皆史也夫志也如其史則志可也書可也表可也傳亦可也是故輿圖可表也沿革可表也天文可志也地理可志也食貨可志也亦可書也

寶制堂錄

上卷

三

人物可傳也亦可表也職官可表也亦可志也循吏可傳也道學可傳也儒林獨行可傳也藝文可志也禮樂可志也亦可書也其義則乘可也檮杌可也春秋不可也春秋孔子假魯史寓一王之法也志也者紀一代之制可也寓一王之法不可也作志而史遷可也固可也任狐亦可也借而擬孔子不可也南安郡志作自前古不可攷矣宋知軍事方崧卿氏軍學教授許開氏修之卷二十拾遺卷一今亦不可攷矣

我

文皇帝闡文興治大典肇修天下作志者收輯殘闕

始有纂述

睿皇帝右文稽古命儒臣作一統志布之天下天下郡邑纂言紀事文同制同孰敢倍越是故斯志也景泰間郡人憲僉蔡公雲翰嘗修之猶夫志也成化間郡守張公弼增修之猶夫志也正德間郡守季公黻重修之聘藩叅吉水曾公煥鄉進士泰和劉君潛總修學官弟子劉魁劉慎劉宰彭甫蔣曰且蔡日齊隱士許金采錄猶夫志也嘉靖改元郡守何公文邦取而筆削之于史固有取焉較正則屬之郡博士秦銳也是故若志也義史者公志也文弗史者固制也匪寶制堂錄

上卷

三七

公志也而公之功則懋矣君子稱之

廣文選序

序曰廣文選何廣蕭子之選也何廣乎蕭子之選也蕭子之選文也爲賦賦之目十有四爲詩詩之目二十有三爲騷爲七爲詔爲冊爲令爲教爲文爲表爲上書爲放爲彈事爲箋爲奏記爲書爲檄爲對問爲設論爲辭爲序爲頌爲贊爲符命爲史論爲史述贊爲論爲連珠爲箴爲銘爲誄爲哀爲碑文爲墓志爲行狀爲弔文爲祭文爲類三十有七可謂選矣然或遺焉是故廣之以備遺也孔子曰有天地然後萬物生焉是故始之天地天地廣也鳥獸草木皆物也鳥

寶制堂錄

上卷

三

獸選矣草木遺焉是故次之草木以廣遺也夫賦諸木具矣弗目者遺是故次之雜賦以廣遺也夫詩六義備矣逸詩詩之遺也廣之自逸詩始補亡無矣操樂府之遺也謠雜歌之遺也廣之詩斯備矣夫詔王言也璽書賜書敕諭皆王言也廣之類也策冊類也策問詔類也廣之以從類也疏上書類也封事議對皆疏類也廣之以從類也對策對厥問也策問詔類矣對策對類也廣之從其類也而文則無矣問次於對有問斯有對也廣之亦類也夫記者序之實也傳者史論贊之紀也說者論之要畧也哀辭者哀之緒

餘也祝文者祭告之大典也是故廣之廣其類也夫
文猶賦也諸論具矣弗類者遺是故次之雜文以廣
遺也夫騷作於屈宋者也九歌遺焉九辨遺焉景賈
以下不錄也漢詔盛矣選其二焉遺者多矣是故廣
之以備遺也表箋啟檄畧矣奏記設論箴贊畧甚矣
史論述贊畧益甚矣銘也頌也誄也古而則者遺矣
書序之遺猶夫銘也論之遺猶夫書也碑文之遺猶
夫論也諸類之遺猶夫頌也誄也故今考之文之遺
猶夫詩也十六七也詩之遺夫賦也十四五也賦之
遺夫騷也十二三也是故廣之以備遺也夫然猶或
寶制堂錄

上卷

三

遺焉典籍散亡存十一於千百廣之云者殆庶幾焉
者也夫文譬之水也選之者如導水而聚之者也是
故海水之聚也廣其遺者如導水而聚之海者也吁
難言也

一鶴山人序

大庾令海虞陳侯一陽癖於鶴山中之人求諸松谷
獲一鶴持獻於侯侯悅曰吾癖瘳矣畜之庭中且與
之狎鶴飛舞盤旋動與侯俱侯坐廳事繞堂鳴者三
匝聲聞于天出則依依與于門將入立門內若侯伺
然侯麾之去迺去久之侯殆忘其爲鶴鶴亦忘侯之
爲侯也侯乃自稱於人曰一鶴山人客過之卽曰子
何一鶴稱也子弟聞衛懿公乘軒事乎胡弗是戒而
耽于鶴也侯笑而弗答客曰子非琴堂尹乎昔人鳴
琴者以鶴隨子殆取諸是邪侯曰謏哉客曰鶴壽鳥
寶制堂錄

上卷

四

也子欲壽徵諸鶴哉日將導氣辟穀生羽翰于白日
如僊侶然跨斯鶴于雲霄之上乎侯曰荒哉客憮然
曰我知之矣夫物一物物也人兆物物也以兆物物
視諸一物物也小大靈蠢相去奚啻什百千萬物而
不物不物而物寧無妙於物物者邪是故以物觀物
我物也以我觀物物我也盈天地間皆物也飛者走
者天者喬者萬萬也奚啻一鶴是故妙於物物者天
覆也地載也日月照臨也山川流且峙也夫孰非吾
之動靜晝夜食息也合而神之物我也我物也耳目
口鼻不知其爲我也夫孰知天地日月山川者乎夫

孰知飛走天喬之爲飛走天喬者乎而何有於鶴鶴
作曰知我矣知我矣夫是之謂化夫是之謂忘夫是
之謂一

寶制堂錄

上卷

四一



之四一

我曰知我矣知我矣夫是之謂化夫是之謂忘夫是
之謂一

贈羅子序

富溪羅子文炳永豐人也嘗鼓篋遊陽明山人王子門言莊貌恭氣和行篤志銳同舍生推焉日者執從祖別駕公狀過劉子節廬乞表墓介而入三揖升堂恂恂于子德音孔嘉比反諸生悅慕願卒業焉茲秋選於鄉弗升太學劉子邦彥語節也走幣請師于塾羅子至邦彥乃命其二子儲嶽猶子之子乾節也乃命子音弟之子香暨易生貞執弟子禮羅子受而教焉蒙擊之昧矚之窒導之曲達之困作之左之右之誘之掖之放之迪之濯之翼之晦朔三易諸弟子從寶制堂錄

上卷

四一

而變矣問之香香曰聞矣問之儲儲曰聞矣問之貞之嶽之乾之音咸曰聞矣君子曰至哉教乎羅子賢乎哉或問曰羅子教諸弟子猶夫陽明教羅子哉諸弟子聞於羅子亦猶夫羅子聞於陽明否也節告之曰辟諸堂室哉陽明教羅子入羅子於室也羅子教諸弟子升諸子於堂也堂邪則堂室邪則室不可強也諸弟子進而可室焉羅子他日室之矣是故羅子教諸弟子猶夫陽明教羅子也諸弟子之聞猶夫羅子之聞也其致一而已矣或曰何謂一節曰一者性也堯傳諸舜禹湯文周公孔子性而已矣性一則教

一教一則士賢矣賢聖矣一而已矣詩曰高山仰止
景行行止又曰螟蛉有子果臝負之一之謂也

寶荆堂錄

上卷

四三



卷之五
一
一

壽甘媪序

是年二月某日甘媪周太孺人八十有一誕辰也厥孫學官弟子時芳德夫請爲壽太孺人乃坐重闈德夫再拜獻觴跪膝下媪喜德夫母王孺人武昌郡守女兒也再拜獻觴跪膝下媪復喜德夫妻謝氏柳學訓大章女也再拜獻觴跪膝下媪復喜德夫女兄偕其婿陳必大具貴冠服再拜獻觴跪膝下媪復喜甘周二族氏長幼卑尊暨姍姍隣里咸序進再拜獻觴跪膝下媪復大喜咸再拜祝曰維太孺人壽百歲未艾也媪頷之曰願如祝德夫同舍友巾巾服服觴觴寶制堂錄

上卷

四

造德夫廬請爲太孺人壽德夫入報媪辭德夫跪白曰孫不肖無能爲辭祝諸士富問學祝辭孔嘉於不肖大有光也請無辭必大爲德夫請益力媪乃出坐堂上受觴觴已受祝祝已謝盛燕樂罄懽乃罷明日德夫造諸同舍友再拜曰諸子惠不肖腴矣壽吾祖母吾祖母榮甚敢謝不肖聞之古之人壽以頌禱諸子何以處不肖哉同舍友乃告劉子爲辭劉子曰願聞諸君子之祝乃述其初祝曰瞻彼南山有巍其巔維媪多壽福履綿綿再祝曰瞻彼章水東注瀾瀾維媪多壽綿綿福履劉子曰至哉祝與古之人善頌善

禱曷以加諸予也復何辭哉迺爲之歌曰燦彼瑤池
兮金母攸居有熟蟠桃兮千秋之餘青鳥聿降兮將
以麗姝壽而老媪兮慶言宴胥載頌載祝兮其樂只
且同舍友復于德夫德夫再拜謝曰榮哉吾祖母壽
也敢不敬將爲歲歲茲辰獻

寶制堂錄

上卷

四五



山床不寐... 且同舍友... 曰燦彼瑤池... 兮金母攸居... 以麗姝壽... 且同舍友... 也敢不敬...

贈符宜臣序

穎江符子判韶客聞而異之曰符子有道士也儁才茂德強志植學習事夫材儁則疏德茂則共志強則果學植則達事習則藝從政何有哉職是吾不知也或對之曰符子蓄大小試之能大小益信矣符子善文兵試之能兵文益備矣符子竭志天下郡試之能郡天下益反手矣客未達過劉子語焉劉子曰信哉符子疏而理共而和果而辨達而貞藝而質茲曰小試之兵試之郡試之是或一道也夫古之君子仕也行其義而已矣奚尊奚卑奚富奚貧奚達奚近奚上寶制堂錄

上卷

四

奚下奚通奚塞行其義而已矣符子道庾客以劉子之言告符子符子曰知我者劉子也

秋崖序

赤玉山人坐秋崖之上問雪溪翁曰天下何適翁曰
得我則適不得我則不適子何適之問也山人曰我
者我也何我不得何我不適翁曰吁異哉子未知我
也知我斯知得矣知得斯知道矣山人憮然曰敢問
我翁曰我一也物萬也我我然後物物我不我則物
不物是故物物自我山人曰敢問得我翁曰去三蠹
守四宅斯得我哉何謂三蠹五色目蠹也五音耳蠹
也五味口蠹也夫目我目也五色蠹自我目不我目
矣耳我耳也五音蠹自我耳不我耳矣口我口也五

寶制堂錄

上卷

四七

味蠹口我口不我口矣是故去三蠹斯得我矣何謂
四宅虛心之宅也中性之宅也和情之宅也靈神之
宅也心弗虛欲斯窒也致虛守我心也性弗中偽斯
鑿矣致中守我性也性弗和私斯蕩矣致和守我情
也神弗靈物斯昏矣致靈守我神也是故守四宅斯
得我矣山人曰然則何適翁曰噫嘻哉天下皆適也
山峙也可以適我靜川流也可以適我動海藏也可
以適我觀草木植也鳥獸飛也走也可以適我愛是
故山耶棲也適諸山川邪泳也適諸川海邪航也漁
也適諸海草邪衣也木邪食也適諸草木禽獸邪群

也遊也適諸鳥獸故曰天下皆適也客有稱秋崖子者過之曰二老何哢哢也山人道故秋崖子曰吾適吾秋崖者何也何以喻我翁曰我我請益也三蠹去哉四宅守哉子適矣秋崖可也秋崖子再拜曰聞命矣聞命矣起而顧之二老歌紫芝乘白雲而去

寶制堂錄

上卷

四



和聲集序

總戎可蘭張子能詩縉紳大夫與善則論詩論合則相與聯續賦之萃爲帙題曰和聲以示梅國劉子劉子讀之嘆曰美哉風風乎其風人之遺音哉志合才耦氣均道侔可以觀詩矣夫志以趨侔才以性異氣以風戾道以養殊和者鮮矣是故志合則情孚才耦則語敵氣均則音諧道侔則心一情孚則應語敵則倫音諧則協心一則同是故氣動於志道槩乎才情者播於音者也有弗應應斯協矣語者發於心者也有弗同同斯倫矣辟諸錦五色錯綜而文成錦斯爛寶制堂錄

上卷

兗

矣辟諸樂八音高下而聲成樂斯和矣故曰可以觀詩矣

贈方伯陳公之閩藩序

閩藩右大夫荷峯先生陳子筠人也起春官進士試
邑令令越吳二劇邑稱惠召內臺史內臺史司風紀
揚激稱肅出爲嶺海東郡守稱仁進厥臬貳治臬視
臬篆稱峻進汴藩叅知藩實賴焉稱毅迺載進閩藩
右大夫初荷峯之叅汴藩也踰四稔布德惠慎法令
達幽隱勵廉潔端儀則澤流政敷化孚績成譽張夫
布德惠愛也慎法令嚴也達幽隱明也勵廉潔介也
端儀則莊也是故愛則懷嚴則威明則察介則執莊
則肅懷則親威則從察則通執則貞肅則畏仁以體
寶制堂錄

上卷

五

之知以理之勇以持之遜以出之謙以守之是故澤
焉斯流政焉斯敷化焉斯孚績焉斯成譽焉斯張君
子曰陳子才大夫也左之宜之右之有之往茲卿邢
賢矣相邪良矣藩也伯兆焉爾矣日使者持銓符至
汴汴藩諸大夫汴臬諸大夫汴閩諸將軍咸謂劉子
贈言劉子曰夫贈者增也山嶽崇矣坏土奚取哉節
也言何無已則賦蒸民人亦有言德輶如毛民鮮克
舉之我儀圖之維仲山甫舉之愛莫助之袞職有闕
維仲山甫補之荷峯有是哉可謂共矣仲山甫之德
柔嘉維則令儀令色小心翼翼古訓是式威儀是力

天子是若明命使賦荷峯有是哉可謂敬矣肅肅王
命仲山甫將之邦國若否仲山甫明之既明且哲以
保其身夙夜匪解以事一人荷峯有是哉可謂弘矣
僉曰子胡不云天鑒有周昭假于下保茲天子生仲
山甫劉子曰允哉至矣節也言何詩曰仲山甫永懷
以慰其心

寶制堂錄

上卷

序燕

燕何慶令也慶令何九日令也燕舉焉以慶令也何
爲乎燕居以慶令也浚儀之都兵戢農休民嬉吏逸
有豫道焉是故燕舉以慶令也鮑侯維主張侯李侯
輔之董公張公朱公翟公樊公周公維賓劉子與焉
胥會于浮屠氏之宮肆筵授几陳核設豆奠笙洗爵
張樂抗侯載獻載載醉載疇載旅載射載舞載歌載賦
迺徵君子曰善燕以時修時以義動義以禮合禮以
敬將荒湛遠矣詩曰既醉而出並受其福

寶制堂錄

上卷

五

贈胡大夫序

浙藩叅知南山胡大夫進楚藩石伯聞

命將之

楚越之民弗能釋奔告于劉子曰賢哉大夫乞留馬以終吾澤可哉劉子曰不可越之士咸弗能釋奔告于劉子曰賢哉大夫乞留馬以終吾造可哉劉子曰不可越之郡吏咸弗能釋奔告于劉子曰賢哉大夫乞留馬以終吾攸庇可哉劉子曰不可且詔之曰何哉若欲爲大夫留也僉曰大夫昔也司臬吾越簡刑辟振風紀勵廉潔去貪暴五稔而去之粵繼叅藩吾越布德惠敦教化節財用賑荒歎方二稔胡爲復舍我去之楚去則疇依哉劉子曰允哉大夫賢也簡刑辟寬也振風紀嚴也勵廉潔介也去貪暴剛也布德惠愛也敦教化禮也節財用義也賑荒歎仁也夫嚴者寬之輔也剛者介之推也仁者愛之本也禮者義之則也寬則容嚴則肅介則威剛則服愛則懷禮則從義則正仁則育宜哉若弗能擇也留則不可何也大夫簡在、

帝心臣哉隣哉股肱耳目匪直爲楚去如之何爲汝越私也越方岳諸君子往爲大夫餞問于劉子曰胡爲哉若是憐憐也劉子道故諸君子曰賢哉大夫厚

贈中丞潘公序

熙臺潘公淮陰人也初爲黃門給事直節勁氣昌言極諫指斥奸邪明揚雋彥敷布利病辯析理亂奏疏剴切君子曰忠畏者忌者嫉者讒者側目切齒左遷少牧再進僕丞布德下愛剔蠹洗垢黎民懷焉區畫芻養料理蕃牧馬政攸賴君子曰惠

天子即位登賢舉逸徵放屏惡戮逆特起秦藩衆知足饋餉實倉廩恤逋逃倡勇敢邊鄙用莫君子曰又繼擢齊魯右伯沛洽膏澤體察幽隱調燮元化育養民物申飭政規張舉吏監細大不遺遐邇咸悅君子

寶制堂錄

上卷

五

曰共天官疏于

天子簡爲中丞往撫西晉不果繼撫西蜀不果繼督戎以撫閩楚江粵之衝又不果迺進粵藩左伯比至舉齊魯故轍一切行之甫浹二旬藩政改觀君子曰敏天官再疏

天子簡爲中丞往撫河汴使者馳璽書授公公往越方岳諸大夫祖餞北郊之郵肆筵几旅殽核酌酒醴奏歌樂交錯獻酬禮義既備諸大夫再拜祝曰惟公忠惠又共且敏焉措諸有政罔不孚惟皇齊聖惟公懋德往哉綏輯中土用奏乃丕績惟皇用休朝夕左

右嘉謨嘉猷攸格俾斯世升于大猷厥惟顯哉公再
拜謝諸大夫廼賦桑扈公曰君子樂胥萬邦之屏予
曷敢承載賦六月公曰文武吉甫萬邦爲憲予曷敢
承載賦采菽公曰樂只君子

天子命之樂只君子福祿申之子曷敢承廼賦隰桑
以答諸大夫曰中心藏之何日忘之予儔敢不敬共
以服咸再拜稽首公亦載拜稽首廼往

寶制堂錄

上卷

五

贈朱大夫序

南岡朱大夫叅知汴藩三載報政焉謹臣度也制也
臺臣交䟽請止且薦焉旌勞賢也重藩政也憲也天
官檄曰止未可也需入且遷焉如臺議申王章也
典也始大夫之知藩也推誠布公溥愛下惠樹良剔
奸同俗敦化四稔幾動如風物服如鑑吏信如著民
懷如乳夫誠者公之本也惠者愛之流也剔奸者樹
良之輔也敦化者同俗之原也是故匪誠孰信匪惠
孰懷奸弗剔也孰服化弗敦也孰動是故吏信誠之
孚也民懷惠之洽也物服奸之變也幾動化之漸也

寶制堂錄

上卷

五

是故如著如乳如鑑如風如風不可拂也如鑑不可
爽也如乳不可奪也如著不可違也詩曰樂只君子
和家之基大夫之謂也大夫懋德雋才堅志直節策
名選舉委質玉庭九命而為藩叅尊矣顯矣一遷卿
矣再遷公矣祿鍾鼎矣勲旂常矣詩曰樂只君子
天子命之大夫有焉既而大夫考卜以入龜既從矣
載筮遇益之中孚太史氏曰神告矣夫益者益也益
之中孚益以孚也中孚之益益道光也大夫曰占何
復曰十朋之龜錫之大也或益或違弗克違也永貞
之吉貞者吉也用享于帝帝克享也神告矣大夫廼

往方岳諸君子率儀敬恭設祖以饒穀核既旅醕醴
既湑歌樂既具諸君子獻獻已大夫酢酢已諸君子
疇疇已迺賦始也賦伐檀大夫謝曰彼君子兮不素
餐兮子之志也弗逮弗答既賦羔裘大夫謝曰彼其
之子邦之司直子之志也弗逮弗答既賦鴈鳩大夫
謝曰淑人君子其儀不忒其儀不忒正是四國予之
志也弗逮雖然惠子腆矣弗敢忘也迺賦小明之亂
以別

寶制堂錄

上卷

五

贈王大夫序

方山王大夫楚產也。雋才茂德，植學習事爲大行人，馳驅四方，諏咨詢度，秉禮慎儀，不辱。

君命爲黃門，給事謹章，奏嚴封駁，司政令，納諫諍，據誠竭忠，宣勞畢謀，爲藩叅西秦，丁艱起叅蜀，再丁艱起叅越，莅止維時，維歲敷布。

上德通達，下情真撫，中夏震懾，外夷靡所不舉，旬濡月染，咸動而應，俾乂洽焉。威者懷者，服者化者，靡所不極。何也？事習則理宜，學植則政達。德茂則譽隆，材雋則功懋。理宜則任政達，則從譽隆，則尊功懋，則顯。寶制堂錄

上卷

五

是故兵戢而威戎畏，而懷吏勤而服民率，而化乂則安安則固矣。日廼晉貳貴藩使者，捧檄至越，越都諸君子往爲之賀。大夫辭諸君子曰：禮也，敢不賀。廼賀比行，諸君子餞大夫，辭諸君子曰：禮也，敢不餞。廼餞既之，郊膳夫具禮，人酌歌工獻伶人奏，諸君子賦賦。南山有臺賦，已樂作樂，已賦菁菁者莪賦，已樂作樂，已賦采芣之，三章繼賦裳裳者華之，四章大夫謝曰：至矣。賦北山以答諸君子，作曰：王臣蹇蹇，夙夜弗解，斯賢者之志哉。載賦蒸民之，八章大夫謝曰：聞命矣。廼賦隰桑之，四章以行。

贈臬使周大夫序

浙藩叅知臬坡周大夫德懋政優聲生譽張天官疏于

天子簡爲楚臬大夫長劉子者其僚仲也往爲之賀曰異哉子之擢也大夫謝曰劣也序進何敢謂異劉子曰子爲恭也夫臬外臺也臬大夫長總臺度也掌邦禁視司寇司風紀視左丞平刑辟視大廷尉異哉子之擢也奚恭爲哉大夫謝曰華與子言劣也曷克將諸劉子曰奚恭爲哉子昔不爲臺史乎純忠勁節危言極諫

寶制堂錄

上卷

六

天子改容而納端人良士藉以生氣讒佞屏迹振厲風紀孰大於是今也舉而措之猶反手耳奚恭爲哉大夫謝曰華與子言劣也曷克將諸劉子曰奚恭爲哉子昔不爲監司乎舉憲飭戎明法習事倡義勤王風動閩粵平反詰寇威震楚豫肅禁平刑孰大於是今也舉而措之猶反手耳奚恭爲哉大夫謝曰華與子言劣也曷克將諸劉子曰奚恭爲哉子嘗叅知茲藩布德惠殄寇賊足貢賦賑荒歉遐服邇安衆輯寡樹海隅蒼生以奠以熙以生以休日進焉列侯上公爲

天子股肱耳目勲伐炳赫紹休臯契媿美伊呂殆自
今始奚恭爲哉大夫謝曰華與子言劣也曷敢承哉
既而諏日以往大夫曰古者聖人作易前民用也吾
行將謀諸著乎乃命太史氏筮太史氏筮遇泰之升
其繇曰泰者時也升者幾也小往大來吉之道也用
見大人勿恤南征吉則亨矣初九拔茅君子內也連
茹以彙進得位也征行之吉萬邦賴也太史氏曰大
夫往哉大夫告于劉子劉子曰神哉著與泰變而升
陽德光也升以泰亨進無疆也大矣哉子之兆也微
哉大夫乃往浙都諸君子咸請爲大夫祖既祖且懇
寶制堂錄

上卷

六

言曰所謂伊人于焉逍遙大夫其無行哉太史氏曰
初筮告矣大夫殆爲天下往也劉子曰有是哉請毋
繫大夫之轍



03955

